

80 peserta kursus terima manfaat program empower ECER

Berita Harian (Nasional) 9/7/20 (Khamis) m/s : 18

Kuantan: Seramai 80 peserta di daerah ini dan Pekan menerima kit permulaan peralatan bakeri dan pastri serta sijil penghargaan di Kolej Komuniti, di sini, Jumaat lalu.

Program Latihan Kemahiran dan Keusahawanan anjuran Majlis Pembangunan Wilayah Ekonomi Pantai Timur (ECERDC) melalui penyedia perkhidmatan, UMP Advanced Education dianjurkan bagi melahirkan lebih ramai usahawan perusahaan kecil dan sederhana (PKS) serta usahawan mikro.

Kerjasama erat juga dilaksanakan bersama institusi penyedia latihan iaitu Kolej Komuniti Kuantan bagi menyediakan tenaga pengajar bertauliah kepada peserta empower ECER.

Mereka yang dipilih mengikuti program itu memabitkan golongan B40 termasuk suri rumah, ibu tunggal, belia dan penganggur.

Peserta menjalani kursus jangka pendek secara praktikal asas bakeri dan pastri serta barista pada setiap Sabtu dan Ahad mulai November tahun lalu hingga Mac lalu secara percuma.

Pengarah Kolej Komuniti Kuantan, Mohd Yusof Zakaria, berkata pihaknya berbesar hati menjadi rakan kerjasama dalam memberi latihan kursus kemahiran dan keusahawanan kepada masyarakat



Mohd Yusof menyampaikan kit peralatan dan sijil penghargaan kepada peserta kursus bakeri dan pastri sambil diperhatikan Mohd Mazlan (dua dari kiri) dan Abdul Aziz di Kolej Komuniti Kuantan, baru-baru ini.

setempat.

Katanya, ini kali kedua jalinan kerjasama antara UMP Advanced dan Kolej Komuniti dilaksanakan.

Bellau berkata, peserta perlu meneruskan kerjaya sebagai usahawan supaya kemahiran diterima selama lima bulan terus dikembangkan dan memberi impak besar kepada masyarakat.

"Pada masa sama, saya mengalu-alukan peserta yang mempunyai kepakaran dalam bidang ba-

Inisiatif murni ini harus diteruskan supaya lebih ramai komuniti menceburi bidang keusahawanan.

Mohd Yusof Zakaria, Pengarah Kolej Komuniti Kuantan

keri dan pastri serta sebagainya menyumbang kemahiran untuk kumpulan lain dengan diberikan insentif.

"Inisiatif murni ini harus diteruskan supaya lebih ramai komuniti menceburi bidang keusahawanan dalam menjana pendapatan untuk meningkatkan taraf ekonomi keluarga" katanya.

Yang turut hadir, Pengurus Besar ECERDC Pejabat Wilayah Pahang, Datuk Mohd Mazlan Sharudin dan Pengarah Projek Ja-

batan Sosioekonomi dan Projek Khas UMP Advanced, Prof Madya Dr Abdul Aziz Mohd Azoddein.

Sementara itu, peserta dari Peramu Pekan, Nurul Shuhada Mohd Khan, 32, berkata program empower ECER membantunya menjana pendapatan untuk diri dan keluarga.

"Saya memilih menceburi bidang bakeri dan pastri kerana minat mendalam dalam pembuatan kek. Sebelum ini saya hanya terima tempahan kek daripada rakan sekitar Pekan.

"Kini selepas mengikuti kursus empower ECER, saya meluaskan skop perniagaan dengan mempelbagaikan produk seperti kek untuk majlis keramaian, muffin, kek cawan, pelbagai jenis puding, cenderahati dan pelbagai lagi.

"Penggunaan medium digital seperti WhatsApp, Facebook dan Instagram sangat membantu saya mengiklankan produk serta menarik lebih ramai pelanggan terutama sekitar Kuantan dan Pekan," katanya.

Sebelum ini, pendapatan diterimanya kurang RM1,000 sebulan, tetapi kini meningkat antara RM5,000 hingga RM8,000 sebulan.

Katanya, segala ilmu dan sumbangan kit peralatan akan dimanfaatkan sebaik mungkin untuk memenuhi hasrat membuka kedai kek suatu hari nanti.